

國朝畿輔詩傳

國朝畿輔詩傳卷四十

長洲陶

樑彙薈輯

錢塘吳長卿更生校

張模

模字元禮號晴溪宛平人冲之子乾隆十七年

進士歷官吏部稽勳司郎中有貫經堂詩鈔

翁方綱鐵琴歌爲張晴溪作張兄徵我賦鐵琴
編檢巾箱無故實或云構李頂墨林會得鐵琴
聲中律天籟之字於腹鐫遂以閣名名四溢蕉
窗九錄所不詳琴史欲補憑誰述前年風雪長
安街凍鐵一條光似漆絃軫久無人弗顧君獨
收之賞其質此鐵剛豈繞指柔一片輕清可橫
膝試彈不作鈔錚聲指外蒼堅餘密栗故從焦
尾一氣論同是清眞百鍊出吾聞老鐵稱鐵體
筵旣有之琴可匹若榻應作鐵琴齋門限無煩
永師筆此琴故實起君家何用孫登討遺佚

蔣士銓鐵琴引為張晴溪作嶧陽老桐化為鐵
郭諒雷霄鑪鞀別龍池鳳額初鑄成鳥掌人肩
若妙絕當年躍冶尾不焦火力盡時金氣銷軫
暉岳柱一附綴博冊有人心手調琴名天籟誰
氏作頊家因以顏其閣中有蘇門鸞鳳聲此語
傳聞疑未確清河藏非亦有年酒酣出示真灑
然鐵板銅琶已迴避請君試著朱絲絃吁嗟乎
形模似出稽生筆一錯何須六州換廣陵散久
絕人間非上
獎賞發三歎
紅豆樹館詩話晴溪先生主講天津問津書院
教士讀書務為根柢之學生平精鑒古商周彝
器備傍款識均能辨晰書法南宮嘗摹刻貫經
堂米帖行世亦來禽戲鴻之亞也詩琅然清圓
不失
雅音

七星巖

大湖小湖東嶽岑江水直下羚羊深烟螺涌出瀝湖岸

奇特奚止高千尋離巖洞數叶斗錚錚鼓潛通首

巖下有鐘鼓洞

有時天光啟戶牖盡日嵐氣蒸晴陰晝眠蒼鼠

松子落暗掠白蝠藤枝森斲成文石大士像天然華鬘

重瑤琳

洞中有石觀音像

莊嚴不出揚惠塑神妙來假吳主臨

一重一掩窮遠目再接再厲蠲塵襟端州雄俊控五嶺

是山彈壓衆壑欽祇今時平海波靖農服其耒士鳴琴

使者採風聊呈此攬勝非敢耽山林要令中和述 聖

化梯航萬里來獻琛佛香滿炷發深願歡喜似和迦陵

禽硬黃吏搨景福字

洞門鐫李邕大書景福二字

純嘏永錫愚臣心

王仲光昆季招遊盤山歸途漫成

投晚山前宿凌晨上翠微花香時入袖雲氣自沾衣綠
樹千重合清泉一道飛采來薇蕨美曉露未全晞

挂月峯前坐清光欲上時眼中空法界身外現琉璃樵
火穿林出鐘聲度澗遲不來方丈宿此景復誰知

扶杖度甘澗萬松青若何佛幢寒白日盤磴引青蘿懸
石疑峯墮深林畏虎過夕陽明繡嶺前路野花多

臨路頻回首晴嵐萬疊賒有山皆露骨無水不流花漸
遠孫登嘯難回博望槎秋來紅葉好重此間烟霞

臨湘道中

凌晨登古驛環抱萬山中竹影碎殘月松花落曉風奇

峯平地拔碧澗小橋通今日臨湘道雲長迥不同

初至廣州

八月羊城路天炎尙著紗已過丹荔子猶見素心花
嶺連樓起珠江抱郡斜此行殊不惡貫月許乘槎

甯別秦西巖觀察同年

七年方一見鬚髮漸蒼然歲月如流水知交半各天
關山京國夢風月五湖烟回首東南隔重期後會年

改官工部董曲江同年以詩見慰奉答原韻

由來骨格是麤官同舞霓裳了舊緣執戟乍趨丹陛
下揮毫爭羨御幄邊左家謾擬三都賦陶令歸耕二

頃田一枕松風塵夢醒鞭笞鸞鳳讓諸仙

揚州晤蔣春農張松栻兩同年並唐再可明府

誰道相逢盡白頭
扣簪舊侶半揚州
挑鐙難得今宵會
彈指曾經十數秋
老去情懷頻眷戀
歸途風雨畏勾留
買山果有用園在
不作南來第二遊

于豹文

豹文字虹亭天津人乾隆十七年進士有南岡

詩草

津門詩鈔先生短身貌陋天才警敏借人書一覽卽歸之終身成誦王中會閣主試者獲公卷如得拱壁登上選後病牒沒里人情之

于巨樹序兄之詩慷慨鬱陶
蒼涼蕭愴一歸於情性之正

古悲歌

人言鄉井好而我謂不然結髮事遠征萬里共一天伏
波拔大羅都護勒燕然丈夫騁長步寧爲妻子牽所嗟
乏貴托衛霍多攀緣封侯困百戰幕府誰見憐坐令飛
將軍俯首廝養前何如歸南山射獵秋草邊功名勿復
道吾年今已全

雜感

羲和無停御長繩安可繫冉冉百年中修短隨所際爾
精苟內搖金石有時敝達觀幸及壯不朽用自勵

庭前有桃李豔冶發春姿爭妍欣所託顧盼生光輝下
士多後悟哲人重先知外榮中已枯坐怨秋風吹

征鴻來古塞飛飛渡江潯我有一書札因之寄遠音窈
窕二妃駕日夕湘中深下女不可貽雲陰愁暮心

大梁有死友古誼敦監門一朝握兵符睥睨無兩尊傷
哉泯水上刎頸聲自吞張陳尙復爾孫龐安足論

新霜有歸雁飛飛凌大河非不戀沙磧秋風卷蓬科避
寒心獨苦謀合意無他稍梁知正好雲羅當奈何

東海有貧士終歲一製衣遺榮諧夙好行歌無是非盛
服人所指不稱况貽譏迴視里中兒裘馬何輕肥

拜月曲

簾幙微寒春料峭銀缸斜背迷清照
麝蘭半掩月昏黃曲檻迴廊魂悄悄
深閨寂寞夜何長姮娥泣露鳴風篔
妾啼妾怨應相惜裙帶微飄入洞房

湧泉寺廢井歌

銅瓶半墜凋青蒲土花漠漠寒泉枯
黯慘遙連白玉砌風箏無語簷牙孤
老僧向我淚沾臆苦憶前朝神漢出
一時金帛積如山道元妙手張顛筆
轉眼於今三百年鴿王座暗琉璃
失安得大雄疏地脈銀派珠源重
可識我聞但一笑休嗟神力遐
瓦棺畱遺蹟曾吐青蓮花伊

昔有異僧咒鉢芬奇葩如何擲梵夾堆案空法華况復
化人無定止琳宮瓊戶猶駢指如潮如汐非舊觀卽色
卽空何自始再造還須象數功一勺曹溪亦爾耳我欲
從君更下石禪鐙夜靜波瀾死

感懷

四十年來事淒然暮雨中飛騰慙去鳥蕭瑟近衰翁敢
謂詩書誤羞云篆刻工寥寥千載上此意竟誰同

歸人

歸人渺何處落日五湖東舊宅臨秋水頽垣隱竹叢聞
猿心自遠倦鳥意還同生計依場圃空餘半畝宮

北窗

一徑入花塢當窗午氣薰林深微漏日溪暑欲蒸雲劇
飲非吾事攤書多異閒苔痕與草色高臥更誰分

憶遠

臨歧曾握手一去竟忘歸白社誰前侶青山空落暉艱
難逢旅食辛著征衣猿鶴休輕怨相期定不違

雨後葺舍

風雨欺貧窶蕭蕭祗敝廬苔侵曾不改茅卷更何如痛
哭傷鄰婦羈縲愧老漁殷勤坊者意未忍獨安居

閉門

閉門不羨鶴書頻魚鳥閒同萬物春
小草會嗤謝安石
大招無奈楚靈均
江湖廊廟誰高下
白髮黃金有故新
卻笑折腰彭澤宰
歸來始號葛天民

偶成

迷陽卻曲欲何之
樗散惟應大木宜
不怨騷人傷左轉
也知莊叟羨支離
黃塵碧海須臾事
布韞青鞵指顧期
南燭可能常駐景
爭教霜鬢一絲絲

小園漫興

賦憶南成百感生
曩來蹤蹟總營營
晚松早韭尋常味
稚鬢蓬頭自在行
素業河邊惟半畝
故人天上有雙旌

閉門幸謝塵中客，二仲頻來犬不驚。

有懷

隴坂迢迢隔暮烟，邇來消息轉淒然。一行作吏逢笳吹，
萬里籌邊過酒泉。可是鉛刀無一割，不容馬腹競長鞭。
歸來莫負山靈約，松菊依然似往年。

古意

海燕飛飛傍玉樓，檀槽無語按涼州。風塵遠道征夫淚，
楊柳三春少婦愁。門掩葳蕤還白晝，夢驚屈戌總清秋。
金微一去空回首，爭似黃河入塞流。

春宮怨

春至啼鶯滿羊車幾日過青青芳草色偏傍玉階多

王鴻典

鴻典字慎齋雄縣人乾隆十七年舉人官湖北鍾祥縣知縣有抱經堂集

趙州

驛樹蔥蘢野水渾歸然城闕歷荒村埋沙卒盡長平劫
吞炭人懷國士恩郭邑瑞符原可信石橋仙蹟不堪論
可憐車馬紛紜過誰向平原酌一尊

李湜

湜字懷芳天津人乾隆十七年舉人官河南閩

鄉縣知縣有海天書屋詩草

雨花堂盆菊

坐對黃花瘦新添白髮稠故園三徑廢老圃一枝秋有
骨存吾傲無言淡所求喜君偕吏隱吟賞酒頻斆

王繼耀

繼耀字鸞坡號澹山大興人乾隆十七年舉人
官贊皇縣訓導有不自收拾集二卷

達椿序先生少負不羈之才博極羣書歷游齊
豫江淮涉湖湘走黔中凡數千里性峻正高氣
重義讀書無問寒暑詩根抵三唐出入
宋元諸大家以神韻勝不以刻畫爲工

送鄭方千歸里

無計能畱汝秋風送棹歸黃花新別酒襖被舊征衣指
顧分南北行藏孰是非三年揚子渡曉夢又依依

問訊江東冢寒雲更幾村原田無舊主篁竹有新孫晚
步開榛莽春遊奠酒尊百年人子事含愧託諸昆

閒砧

響徹西風急深閨不轉心漸微知力輒斜月挂霜林

失題

狂笑楊花猶點硯腐啣螢火尙窺書那知老去無心甚
日看閒雲過綺疏

王潤

潤字清源號鑑堂大興人乾隆十八年舉人官
湖南茶陵州知州

將至新舖

孤征日欲暮野色滿晴空古道行人少亂山殘葉紅投
林飛倦鳥驅犢認歸童晚景淒其意憑高一望中

舟泊青浪灘

十載馳驅地于今感舊遊亂山深嵌屋寒水滯行舟霜
鬢逢蕭索萍蹤任去留計程應不遠明發指乾州

紀淑曾

淑曾字衣孟號秋槎文安人晉子乾隆十八年

舉人歷官湖南鹽法道有漢皋集

紀佩先府君行述府君乾隆癸酉舉賢書循例
謁選筮仕湖北知縣授篆長陽山陝小邑人文
困陋爲創立書院延師講習己丑移天門縣時
征緬甸兵過境需用舟車捐俸給價不以累民
有營兵乘舟毆舟子斃竄匿戎伍中莫獲府君
曰殺法者死律難宥錄案申諸軍府詰得其人
置之法天門獄訟繁多積牘累年下車三月剖
斷無留訟隨州匪民聚衆思不逞總督吳公達
善檄調府君往緝州篆未匝月匪聞風解散
擢沔陽州城外有鄉曰大木林地形窪下際霖
潦水漲田廬漂沒於上游築隄防禦爲鄉永賴
逆賊嚴金龍案起株連脅從多人府君奉委鞫
勘所括千餘人丙申授漢陽府知府所部黃陂
縣有江西木商以毆斃人縣問成獄咨解到郡
府君核非眞犯密訪月餘匪人果得而商寬獲
雪戊戌隨任湖南辰沅永靖巡道改授鹽法長
寶道時府君方護篆湖北鹽道前任相沿鹽課
積虧四十萬兩有奇府君設法籌補將各陋規

停止積其存竊以償虧項攝臬司審慎庶獄片
楮隻字皆親寓目每當秋讞權其情實緩決無
輕出入攝藩篆革除一切繁費禁杜苞苴歲癸
卯情殷終養遂於是年夏奉大母北歸已酉卒
王昶序秋槎太守與余爲同年友漢皋集詩如
披蘭臺之風發明耳目而寧體便人也秋槎政
事之餘襟懷蕭曠江山助之
世有采楚風者必以是爲冠
紅豆樹館詩話秋槎觀察湖南王蓬心太守時
爲永州司馬時相酬倡漢皋集清遠蘊藉獨標
靈響蓋得瀟湘
雲水之氣爲多

雜詩

松柏自孤直桃李有本根發榮不自知零落怨春暄春
華苦易歇百年如朝昏豪傑一節奇河嶽萬古存此意
歸吾黨慷慨發高論少賤心民物晚貴憂子孫誰與挽

頽波日夕江東奔

凡馬愧騏驎龍種難爲友
惠養及駘駑彌慚主恩厚
十日行千里緩轡等馳走
縮地旣虛誕凌風亦烏有
塵沙古道昏駿骨慨速朽

涉園雅集分韻得以字

雙槩撥寒烟攜家渡江水
鄂渚得芳鄰官閣晴嵐裊
涉園風日佳綠萼破寒蕊
遂枉謝公屐招邀二三子
文酒多故知詼諧皆妙理
當窗松月八繞屋竹烟起
所見非故山卻令顏色喜
豈矜達士懷心蹟澹如此
相期扶雅輪茲遊良有以

渡黃河登廣武山

挂帆風力滿，捩舵問重岡。
峯影界天碧，河流簸日黃。
濟川才恐拙，陟岵意難忘。
獨有歸飛鳥，高高正北翔。

天池口

路問何年鑿，舟從此地回。
浪傳三峽險，疑是五丁開。
日色惟看午，山光不染苔。
野人相愛甚，爭擁使君來。

雨夜同牧原

急風催暝色，和雨到庭柯。
寒近窗前蚤，愁如葉下多。
田園催晚節，汀水漲微波。
相慰渾忘寐，孤鐙耿薜蘿。

寄軒雜詠

去年三月半相送暮江亭
離思隨芳草春波滿綠汀
鬢從今日白門對數峯青
南北迢迢路關心兩葉萍
曉起望洲渚軒楹霽色來
江心村落見山脊郡城開
暇日親書卷畱人坐石苔
此間容嘯詠真似隱蓬萊

集洪學使雙桐書屋

春烟淡無蹟孤幹覺青來
小閣寒雲閉清尊靜夜開
江山能助客放浪亦須才
衡宇嵐光接乘閒日幾回

沈沈更漏永戀戀酒杯寬
鑑影亂春雨梅花遲夜寒
登龍心早折歌郢和應難
忽憶清吟侶謂顧牧原輕帆挂遠巒

庚子秋姚雪門學使將赴都門贈別

帆影破湘烟春深古驛前西窗話遙夜南國喜涼天交
意淡如此客心愁黯然江頭花月夕強半是離筵
八月猶餘熱清尊昨日開江聲兼雨至嶽色隔城來虛
館穿花樹生香落酒杯阿誰歌水調惆悵鬢毛催

卽目

林邊新雨霽匝地綠陰稠一徑破空翠孤村抱亂流雞
聲槐巷午蟬噪柳塘秋風物朗人眼爭如戀故邱

彝陵懷古

峽州山半赭峽水長難平土帶秦時色江流漢代聲西
南雷險阨天地兆兵爭幸際重熙日登臨感亦生

石洞

古洞惟雲住和雲坐石茵崖崩深似厦松老臥如人采
藥峯相待編籬竹可因更憐秋色冷楓柏變山春

宿聽詩閣

白日荒荒夕涼颺故故侵官輕離別恨老重死生心孤
樹得秋氣遠鴻沈夜首吟魂如病葉終夜拋空林

巴山峽泛舟

峽舟清曉望濛濛于役如教攬勝同竹壓波心雙槳綠
日升峯缺一帆紅雲間雞唱真仙界崖腹蛇盤信鬼工
愛此一官山水窟買山無具賴天公

得兒女途次書

鏡下開緘思不禁
庭烟簪簪漏沈沈
早添霜雪中
年鬢細數關河五夜心
書到正逢深院雨
詩成猶認綠窗吟
官齋兀坐憐孤影
肺病何堪百感侵

再送牧原

大別山前春水長
伯牙臺畔早梅香
君今買櫂去沙渚
我亦迴車思故鄉
江上離筵驚草夢
中白日過堂堂
鹿門烟樹春
明月小立東風淚幾行

黃陂道中

憶昔征鞵繞翠岑
黃塵影裏歲年深
祇今白髮增新感

忽對青山續舊吟久客鄉情生野圃夕陽人語出空林
何期村酒鬪醺夜蓬萊同諧物外心

送春限三字

何曾斗酒擘雙柑已見繁英點碧潭鏡裏有霜驚半百
花前如夢過重三夕陽詩思空庭得芳草愁心久客諧
猶憶隔江州樹好清和天氣板橋南

和顧牧原舟中見寄原韻

青山白浪晚崢嶸愁指寒雲是去程天上星辰勞北望
舟中兒女倦西征夕陽鄖口帆初卸野岸椒盤歲又更
獨對庭梅思折贈夜窗風雪暗孤檠

相思三月託雙鱗相見還如鷓鴣鳥親回日鶯花爭勸客
去時魍魅喜窺人灘聲帶雨來孤枕草色和烟動遠津
攜手南樓重洗盞喜君歸及餞餘春

一年聚散每多歧皓首江湖詎可期難得忘形到爾汝
不知涉世有猜疑興闕欲就林烟宿病減先於夜雨知
盡日憑欄人寂寂藥罍茶竈詠新詩

晴川西望渺春波卻喜移家野興多近市山亭開甕酒
種花門巷繞梁歌凍雲回首江頭別芳歲驚心客裏過
漫擬忘機去沙渚竹烟深處鳥聲和

送永餘菴入都卽用畱別原韻

送客江樓戀夕曛鄉心離思兩殷殷花飛南國過三月
家在西山近五雲匹馬蘆溝天共遠片帆夏口水中分
爲誰小泊沙頭櫂一曲清歌酒半醺

興酣王宰畱真蹟

王蓬心作江樓送別圖

粉本江山妙入神萬頃

鷗波烟際舫一欄花韻酒邊人斷雲村落含殘雨淺夏
樓臺似晚春著我圖中同載去相思不用託文鱗

九日環翠亭贈王蓬心司馬

臥聞涼雨滴空階霽後園林到處佳紅葉數重隨屐轉
黃花三度與君偕暫從鐙火虛窗下寫出江湖倦客懷
蓬心爲子寫蘇橋卜築圖他日相尋向沙渚菰蒲千頃一茅齋

冬杪澧州旅舍書事兼寄荊州永蘊山漢陽顧牧
原時兩使君亦有襄郢之役

客程高與白雲齊
永夜猿聲雜曙雞
舊夢湖山樊口北
殘年風雪洞庭西
荒烟古戍稀人語
亂石新冰怯馬蹄
惆悵相思不相見
封書空自隔江題

季春慶兩峯廉使調任武昌贈別

官柳烟濃又可攀
故人容易阻江關
湖天漠漠雲輕散
塵海茫茫夢未閒
華髮青尊春岸舫
綠風紅旆夕陽山
天涯老病偏留滯
歲歲清湘照別顏

池光如鏡草如茵
曲榭修廊酒數巡
異地但同千里月

小山空貯一闌春。栽花還自乘新雨。看竹偏教憶主人。
江漢風流歸使節。更因旌蓋想前塵。

九日嶽麓登高薄暮渡江卽事

嶺雲汀樹總宜秋。九日新晴作勝遊。亭倚山腰低萬壑。
帆隨洲影翦雙流。澄江亂下漁人網。飛蓋遙迎水驛樓。
詩境蒼涼殘醉裏。菊花天氣木蘭舟。

寄軒卽事用王少林韻

江上人家柳巷汀。寒山繞郭暮烟青。闌前一片瀟湘色。
落日秋心滿洞庭。

多士宗

士宗字小山阜城人乾隆十八年拔貢生

紀昀宿阜城懷多小山詩竟致登堂約懷人一
愴情此邦稱沃土之子獨高名病葉飄難定寒
禽噤不鳴蹉跎侶

陳阮淵悵玉溪生

零陵曉發

捨舟候明發不共鳧鷖夢行行曉色中山疊
風林送頻訝崖欲坼數避泉初湧落葉驚鳥飛
古木老蛟動豈無封狼儔戒我徒旅衆日上烟
景伏頓覺天宇空升高望
孱顏江山幾錯綜夙懷名嶽遊不作窮途痛何
人謝趙
起吾道本豪縱靈仙如可企應試雲中鳳

江皋晚望

綠漲蒼山根江郭晚烟紫風帆渺雲樹一抹斜陽裏幽
人藉碧苔啼髮臨秋水颯然柳陰濃坐看白雲起

留別李潤蒼

性僻難諧俗交貧易見真汪倫猶送我王粲自依人幾
作牆東客還憐硯北身前期各珍重莫漫悵無鄰

寫意

瘦影一筇隨猶誇矍鑠時長貧破堅陣寡欲勝良醫懷
古類搔首行吟幾斷髭旁人嗤落魄得意寸心知

江村晚泊

修竹連江色人家翠靄間林疏斜漏月霧重遠沈山長

缺三年客扁舟萬里還波聲送離思一枕急潺湲

張湘

湘字楚山號礎珊天津人乾隆十九年進士官
江西餘干縣知縣改教授有大雅堂詩集

津門詩鈔公少負雋
姿有文名書法最工

題唐虎臣山居買卜圖

毘陵唐子天下才讀書萬卷天人該獨棹一楫橫江來
壯心欲上黃金臺秋風蕭瑟芙蓉老功名偃蹇同秋草
不如歸去舊湖山結葦編茅屋數椽蔭以修竹環流泉
聊寄嘯傲於其間也同君平學下簾得錢買酒恣一酣

泉水解燥吻竹風吹醉顏灑然骨節鳴珊珊吁嗟乎山
居之樂樂如此人生何必更羨蓬壺仙

銅硯歌

有序

易州農人耕田獲古錢盈釜石硯一背飾以銅
石佳而製古不知何代物也友人吳念湖進士
購得之余爲作是歌

鍊銅裹硯古無聞龍尾鳳珠名紛紛茲石埋藏幾千春
一朝拂拭標清新中有五銖同見瘞蒼茫不解當年意
文具都作蝴蝶飛土花半蝕蟾蜍輝野人相顧識不得
延陵公子攜持歸歸來傳玩歎希有試取松烟盪磨久

霜毫濡染墨淋漓夜夜虹光寒射斗錦襲玉裝傳不朽
我聞叩門乞一見端溪雪浪鋪寒練九原古氣鬱氤氳
紫石青銅相吐吞有如蚌珠璞玉分胚渾石之潤兮栗
而溫光陸離兮燦星辰摩挲令我驚心魂先生寶之壽
子孫

早行張灣道中

羸騎凌晨發遙山吐月新平沙寒似雪遠塔立如人薄
俸悲遊子高堂念老親蕭條從此別萬里一孤臣

將赴新城學舍高琅村吳念湖兩進士同社諸子

釀飲賦詩爲余作餞卽席得句

莫唱驪歌折柳枝此中心緒倩誰知情關舊雨添愁恨
人到中年惜別離總爲飢驅甘作客敢辭薄俸患爲師
一竿遲我西沽上他日重來理釣絲

題思源莊

重築金吾舊日莊紅菱白芡護山堂
丁寧河上銜泥燕還向烏衣覓畫梁

暮捲珠簾暑氣收臨河亭子坐來幽
照人一片空明水風滿垂楊月滿樓

戈源

源字仙舟獻縣人濤弟乾隆十九年進士官至

大僕寺卿

紀昀傳公少奇慧年十六舉於鄉越歲甲戌成進士在戶部屢居異等改御史轉給事中多所建白擢太僕寺少卿督學山西致仕卒年六十三公有經世志督理街道不動聲色能使豪強凌上無所容而胥吏不能舞弊取一錢官學使卷必親閱逐句評駁如塾師每蒞一官必舉其職不喜聲氣攀援與物寡合予與公同年乃撮其大端作爲此傳

和李青墅贈葛培初韻

憶會叱馭訪衡門茗椀香烟笑語溫士氣故從吾輩作詩名原竝使臣尊相知敢詡傳心法晚遇翻愁惹淚痕

好記青霄翬羽日望雲有客詠騰騫

寶堡

廢壘猶傳建德名當時虎踞亦縱橫祇緣天際飛龍出
遂罷中原逐鹿爭據土漫云同魏鄭論功原恥竝韓彭
蒼茫河朔稱雄地極目烟墟蔓草生

查善長

善長字樹初號鐵雲天津人爲仁子乾隆十九
年進士官刑科給事中

雨晴登環水樓卽景

夜雨酣如夢惜惜到五更曉來登水閣涼意滿秋城
茶

葉同人瘦羣花生遠情癡雲飛不動角角學山行

青縣道上

闕盡高低路霜痕復草痕
烟平似水叢樹遠疑村野
店無多席荒庵總閉門
殘陽衰柳外指點成樓存

國朝畿輔詩傳卷四十

終

國朝畿輔詩傳卷四十一

長洲陶 樛冕薊輯 寶坻高繼珩寄泉校

朱筠

筠字美叔號竹君一號笥河大與人乾隆十九年進士官翰林院侍讀學士改編修有笥河詩

集二十卷

朱珪竹君先生墓志公生而神慧十三通五經學爲文十五文成斐然癸酉舉於鄉甲戌成進士改庶吉士丁丑散館授編修辛巳充會試同考官甲申丁先大夫憂丙戌服闋明年授贊善戊子御試二等授翰林院侍讀學士旋充日講起居注官戊子科鄉試同考官己丑科會試同考官庚寅奉命爲福建鄉試正考官辛卯會試同考官

得士多著名公益卓然以韓歐蘇自任振起古
學獎藉寒峻有一善者譽之如不及天下之士
翁然稱之曰竹君先生是秋視學安嶽乃教士
曰讀書不可不識字爲刻舊本說文解字揚以
四端曰都分字體音聲訓詁又曰稽古莫如金
石文可證經史之譌所在披剔榛蕪聚至于種
時 詔求遺書公奏言翰林院庫貯明永樂大
典中多逸書宜加採錄 上覽奏命纂輯
四庫全書得之大典中者五百餘部皆世所不
傳次第刊布海內實公發之也又請做漢唐故
事擇儒臣校正十三經文字勒石大學癸巳以
事降授編修在四庫全書處行走是時金壇于
文襄公敏中掌院爲總裁于公直軍機凡館書
稿本披覆辨析苦往復之煩意欲公就見而質
而公執翰林故事總裁纂修相見于館所無往
見禮說不肯往相見持論侃侃不稍下公既久
次望益重則言翰林以立品讀書爲職終歲足
不至遠官門聚書至數萬卷來請益者不拒考
古著錄窮日夜不倦古文以鄭孔經義遷固史
書爲質觀縷鉅細事辨時地真氣勃出成一家

言賦則陽張陰閻馬揚以下不道也詩初學
谷昌黎五言力逼漢魏既而導匪百家變化創
闢神明獨得書法一本六書自然勁嫻蓋公之
學與年進海涵嶽壘不足喻其所蘊也四十四
年督學福建一以經學六書倡口講指畫示以
鄉方闕清生爲掇令某鍛鍊殺人公發其覆大
吏雲之扶持士氣行義若渴重倫節勸懲有加
焉暇則搜奇廣洞徧著手蹟于黃山再登其巔
觀雲海於閩之武夷峯前玉華諸名勝皆躋探
峻幽從者輒馱焉卒年五十有三所著古文數百
篇古今詩數千首他文

稱是皆可必傳於後

隨園詩話朱竹君學士督學皖江任滿余問所
得人才公手書姓名分爲兩種樸學數人才華
數人嘗云詩以道性情性情厚者詩淺而意深
性情薄者詞深而意淺分校得老名士程魚門
京師傳爲佳話沒後張中翰填哭以詩云丹旌
書銘前學士青山送葬老門生從今前輩無人
哭拚與先生淚盡傾又哭竹君學士詩古人今
不作古道竟非宜聽說文星陸空增吾黨悲持

身盧子幹好客鄭當時奇字三蒼纂窮經六籍
披請問書四庫漸白鬢千絲學博天能鑒心清

水共知龍門今逝矣寒士學何

之大雅扶輪者長安臚有誰

蒲褐山房詩話竹君昆仲早登高第並著才名

而君爲白眉兼綜經史精求古義家積書數萬

卷金石碑版亦數千通尤喜汲引人才輒軒所

至必拔諸生之雋異授業門下家居問字者滿

堂滿室君豐頤秀目伉儷鏗鏗常以李元禮范

孟博自况公卿中惟劉文正公愛其學業稱爲

小友其他貴人招之弗往爲安徽學政時奏請

將承樂大典中人問罕見之書悉爲鈔錄且求

天下遺書四庫館之開實自君發之其後于文

襄公選用翰詹科道及中書部曹諸臣先後至

數百人君雖列名其間實未嘗有所討論也年

僅五十病暑而卒平日文稿皆以草書書之且

塗乙十有七八子弟不能辨

別故取其明晰者刻成四卷

黃景仁上朱笥河先生詩先生卓然坐虎皮旁
鑄寶從皆瑰奇珠光劍氣紛陸離貢之玉堂當

世希如余卷曲樗散資不可無一聊備遺公言
我欲拂拭之金沙同治吾能治退而喜也心然
疑指胸兀兀前致詞嗟哉小子幼苦饑典書易
采共衰慈草間咄咄惡詩自爲其知曾無師
公名束髮心已知三千里外無見期義與兩龔
語我私言公相士無成規掃門求見君無遲我
時唯唯神魂馳聚米不遂徒嗟咨竭來乞食江
之湄頭如蓬葆衣塵縞日月面壁愁孤羈忽聞
公至樂不支亟爾投刺趨階墀不用溫筒揖路
歧豁然霽色雲霧披意氣漫詡山可移誘我力
學言如飴感激真乃零涕洩賓朋暇日羅盤厄
牆頭酒過梁果垂忘情略分兼娛嬉公也環顧
掀髯髭不惜百妍間一媿於時歲景窮崦嵫寒
灰忽爾逢春熙恩遇已極心轉危一身塊然百
不宜兩手只解霜螯持漂零落魄志業墮漸恐
化雨難爲施他年荆榛從芟夷卽是此日牛醫
兒雖然一事願脫錐長謝乃敢終其辭假如公
有烟霞思此必弟子相追隨前驅須俟後腐糜
攜囊入雲采苓芝剝刷幽怪窮險巖佐公巨筆
揮淋漓此則不敢多讓誰公聞此言願我陪小

子狂矣言無稽言雖無稽心不其有妄只存
陽枝作詩呈公公解頤謂我詩筆猶可爲十年

吟苦霜鬢絲一

編吐氣今其時

紅豆樹館詩話詩河學士閱通博覽名滿海內

初爲諸城劉文正公所知目爲奇士蘭泉司寇

與公爲同年友官京師齊名人稱爲北朱南王

督學安徽洪雅存黃仲則諸君皆延居幕中而

陸副憲錫熊程太史晉芳任侍御大椿又公分

校所取士也公之學經緯史包孕萬有金石

小學尤所專力嘗謂今時學者無師法不明文

字所本所由生其狎見甚至點畫淆亂音訓泯
琴何以通先聖之經而言其義乃出宋版說文
解字刊布以詔後學今所傳朱氏說文定本視
毛斧季所刻尤爲精密自序一篇斷斷辨證意
在尊經復古不僅稱叔重功臣也當校刊說文
時命門生某司其事某童還先生意多所乾沒
不及卽有過輒掩覆之天性然也官翰林取于
謁與金壇干文襄意迕一日見上語及

公上達稱許朱筠學問文章殊過人囊默不得發而公名益起一時奇才異能之士趨風景附若斗之有杓公毅然以文章風義爲已任闕取花吟舫與客譙游覃研文史坐是以積勞卒未得展其所蘊姚姬傳太史稱其慷慨論事摩厲講學不第欲爲文士誠篤論矣詩集刊于嘉慶癸亥皆石君相國手爲讐訂跋中稱其排界生創龍翔虎躍雖恢奇萬狀而無一字一韻不歸於妥帖然先生文章志在起衰才力所及卷軸佐之宜使絕幽整險別闢畦町斷不稍蹈康莊致流平易學者昧其源委或以鉤章棘句相誦則沒作者苦心矣茲卷所摘皆精金美玉具存先生本來面目又古體多于近體微寓別裁焉

送程二魚門歸淮上

歧路知痛哭况同失路人深宵衣錦繡誰辨僞與真程君此下第古抱卞氏珍已衛履下足何恤頭上巾六星

芒正射奎瀆方通津如何兩神劍天阨無由伸干莫必
騰上磨蝕以風塵輪困龍虎氣鬱迫芬芳紉

子兮歌慷慨蕭蕭易水去我豈高漸離擊筑胡此住一
聞知己言涕落如繁絮夜光必按劔明月未投曙章甫
對越人欲悔翻知悟况今急歸颿六轡無改御所惜新
相知道遠日將暮揮手南北雲神物會有處

送秋涇夫子南歸

蘇君化神鶴竭來一游嬉本不謀稻粱彈者亦何爲夫
子盛文章下第將南歸我貴物乃棄得失豈所疑翻驚
臨乖淚欲灑清潞西鄭公慕季長趙子辭昌黎離師當

不反獨立恐路歧

文章溯向雄本大末始暢流傳到後來剽賊真氣喪如
綴敝錦衣刻意謀共張夫子不好名惡文以絢尚每於
數千年剖別指南向峨峨韓與柳六經作家釀宋興盛
四氏流徵和高唱南渡龍川別北京弇州放太僕山之
祇叔子川以障此豈比雕蟲與道伯仲行教之窮根源
敢不欽所養

劍亭以詩聞長安屢試春官十年不第近見其偶
然作數首辭旣和平然過于慟哭矣余謂古人
不憂其不達而憂其言之不立劍亭苟得其大

者何憂乎作詩致之

與君六載交愛爾冰雪辭豈無韋與王隔世空相思天
風蕩百川廣奏子自嫉嗟我雖有耳不聽安聞知古人
道相貽今人言相期昨日一書札上爲我友詩讀之逾
萬過其言和且夷似夢羅浮山覺來魂魄疑美人無處
所此意忘何時

蘭草雖共芳歲暮傷其晚每言王者香淚落不可反君
本神仙姿一國傾婉婉誰令蛟人珠十年泣湘沅高堂
盛綺羅鼓缶方擊宛請爲奏清琴再彈忽碎阮長歌一
回首繞梁聲正遠古人竟若何往往善偃蹇誰歎知我

者持此寄繼綬

北風聲已厲日月與歲徂眇彼庭樹柯未忍同榮枯古
人精消亡其理在詩書誰爲後來者胡不稍勤劬立言
貴大端文章雖其餘願託蠹書蟬飲食固所娛浩浩百
年盡好名誠爲愚金石不可化與子思其居行矣各勉
力安能勞奔車

壬申除夜獨坐感懷諸兄弟各言其所遇爲詩四

首

暢月伯兄歸忽復東南征其道出山左紆曲濟水行不
憚車馬勞急此親愛情三年不相見離別弟與兄屈指

下澆餘此日歡會并歲除一杯酒馬首驅王正官行豈
可待努力相醉傾故鄉雖千里同看參西橫

仲君尹赤縣一歲去鄉國感兄天性多歲晚思何極前
日寄我詩淋漓動楮墨兄兮遠行役屺岵想登陟古人
插茱萸節候尙心惻况當改歲間日車不可勒非畏赴
壑蛇頗憂蠹苗塍相見日老大恐非故顏色立名在盛
年安能徒飲食何時歸連牀蕭瑟聽亦得

春風動長安歲歲變腐草我有弟石君相顧真可竇家
祀獻且微言笑莫不好徘徊子就寢明旦趨朝早我時
獨坐久爆竹傾耳倒起翻右軍書戒薄厚用保欲舉策

數馬彷彿萬石老感彼長者言竊恐未聞道古人相做
勸豈以富貴禱讀書垂不朽庶幾光祖考來歲已若奔
去歲忽若掃與弟夙昔志從今相論討

人雖欲曙星歲去凌風羽守歲與懷人兩念難一主伯
仲暫相合叔季久爲伍念當臘欲畢千里同肺腑我胡
獨擁爐苦吟勞覩縷自作金石聲豈顧雷電取逐貧與
送窮頗笑雄與愈戶外自有耳何必怨鐘鼓請爲兄弟
謠以當骨肉聚

送張方海

方海來我家闔入坐中腐眉目生鋒鋌奇氣怒未鬪

然開口談雲夢吞其脰我時出相見束髮年過幼執手
日月逃巖記述所遊先生於越人生小山水竇江空慣
見潮石怪生聞吼獨身上禹穴窆石辨理膝下飲伯陽
井丹入水可壽最奇美女山俛首曹江溜夜中登其髻
星月倒景透自喜一試身清妙絕人靚歸來讀書處王
謝親食宿四明萬松濤忽送吟哦湊回觀絕壁上危巢
挂蝶祝墮蜜化小鱗奇味理不究淫雨累匝月咫尺絕
糧糗山筍獨掘煮往往恥饋餽以此爲文章元氣自婚
媾衆人不解字俗書昧古籍豈惟口不理狂走閉門詢
北征到恒嶽元洞無底漏抽身欲下探從游駭相救皆

言試雞犬直下失骨肉羽毛上飛飛恐有妖物守先生
笑而答此是陽氣簇吸實吹其虛至道安得謬十月履
桑乾冰孔失足蹂中流出自穴河伯不敢寇遂升老龍
背更哭仙人樞讀其游趙詩百篇盡奇秀感爾白鳳肺
息予朱鳥囓川結全異交再鳴韓孟後患不如古人詩
書相耕擣幾會潞河東屢別渠水右吁嗟同下第三北
今忽又展禽悼子黜李邵愧我售在古之立言得失固
所陋朔風正感發來告江南走假僂友之思能不驚別
袖十年淹北土浙水喜可就何必富貴歸故鄉真錦書
況今佐使者南國靈所囑照海瑟瑟出求林鷓鷯覲才

比霹靂琴不取野火樵學如夷則鏡沈蕤失其舊致博
根以大咸虛鑑不繆贈子當自愛羲娥會有候

癸酉九月伯思下第將之湖北從父紫瀾先生學
使者之役也作詩以贈其行

左史著檇杭文章美南楚原本墳索上議論春秋伍其
書失流傳餘波屈宋怒九疑下九江虞夏親仰俯湘竹
泣娥英禹字刻响嘯子今行其地獨身到三古古人所
爲文往往天地取每於清明中奇氣自彌輔山河勢中
絕千里復其祖蘋藻富江漢子其爲筐筥

送子車遙遙感我思漫漫欲尋荆山道痛哭青琅玕嗟

我三獻初再別始一觀子胡怨湘中淚落珠泐瀾北海
雙鯢魚一別天池南去我六月息望子萬里搏天風正
飄飄欲往不可攀歸來十二峰爲賦神女鬟

送葉同年丹穎歸湖州用淵明擬古韻

執手送行人各攀大道柳非畏徑途長但苦別時久平
生感乖離未敢易云友天風忽飄飄難盡一尊酒雙龍
東西飛竊恐遂相負何況新相知此意各在厚轉送與
神劍變化亦何有

古人不相見隔我如鴻荒讀書勤兀兀去日歡堂堂放
意學神仙此道誠渺茫文章千秋中反覆同疆場一戰

功不成宿草埋山邱每懷杞人憂涕泗空激昂得子真
可語倏忽天一方榮枯等蠻觸何用兒女傷

粲粲黃金橘嘉樹名在茲玉盤會有託見食各有時世
無堅白辨徒嗟磷與緇所求何皇皇猶豫而狐疑惑君
絕代下汗漫工文辭如何長卿賦未發凌雲思靈鶴厲
清吭懼爲媒者欺豈無不平鳴有道或所嗤芻蕘亦有
言自耐惟書詩

同心臭如蘭管蒯尙可采飛光更相送讀書再不改野
馬與濫觴可以致山海浩浩遠別離相見倏相待努力
多聞知贈子以無悔

山中

驅車上西嶺日午稅墓田村犬怪客至長吠當柴關排
戶解襪被出觀溪流間潺潺下瀨急過石微翻瀾岸上
柳葉脫向晚生空烟四圍來山風始覺衣裘單日引一
壺酒以禦今夕寒

朝旭升團團遠山動金碧溪清踏沙行游魚隨人躋越
溪度田中已綠明年麥訪古試摩挲往代有碣石想當
豪貴初歸骨猶烜赫松楸一以伐子孫僅餘宅公侯與
畎畝相代何足惜不聞古達人歡飲墓田卽望雲而臨
水慙歎此役役溪聲莫相送山中留亦得

玉帶橋

橋名從何人學士留玉帶當時老蘇公此處數停蓋一
朝款老元千偈風翻貝機鋒戰則勁中交鼓動旂曰我
師攻師斷可功成蔡長老笑而答此坐讓何害我難公
卽解老僧棒喫大公慎勿擬議擬議玉帶丐公笑首肯
之獅吼出狼狽公擬議未發帶送已無奈聳乎真淵略
此髡亦狡獪永永鎮山門到今傳未艾寺火失四片補
缺煩會粹珍之供佛前包裹錦綵縹寶護不發示我乎
捫其外此橋識所由橫石琅以磕俯窺空洞穿激盪自
洗汰流水作玉聲貪驪下噴瀨

南臯店

平川潦忽乾古柳挂微葉行行南臯店初日好溫曆荒
祠渺何處仙人去已捷浮游薊趙間二百年過轍一朝
騎鯉來撥刺金赤鬣坐祠萬人觀入涿水不涉遺蹟訛
曰臯靈名蠢尙誓朔風凋我顏髮白恐難鋸人生朱塵
中不化行相接長年悲有涯吾生詎易攝感茲仙人往
思欲翅雙挾自笑何不達兩曜亦轉睫吾行適吾天無
爲喜見獵

白溝河

巨馬出洩山下與督亢交湯湯新城南白溝界宋遼嘉

祐漁禁捕慶厯柳拔條辛苦熙寧後方田限馬驕安撫
王公臨謀之亦已勞國戚真可憐水保嗟無聊于今畿
輔地過客杭一舸沙莽夜無人隱約古斷橋想當歲賂
日多壘當如毛往復與平陂地險空嘈嘈無爲浪弔古
去卽舟子招

別太平諸生送者

滑滑泥何深諸生掛輿下我以得士來士得何爲謝來
此不四月會見亦以乍重感諸生意道遠送復返告爾
讀注疏努力大車駕行行毋欲速此不得他借文字音
與訓牙輻各有舍一一致其用如御者得靶識字以通

經要如水銀瀉從之人可由初攬後乃蔗

諸生勿送送僕不多情身三宿桑尙戀何況冬徂春一
上李白樓再款謝眺鄰未嘗攜險句徑欲捫星辰惟有一
片心欲令士氣伸學者當共勉相與成古人生理在
根抵異文必駟麟鴛飛與樹花莫盜春光新此言未爲
迂求實非其竇重來絳幕語葆爾聰明眞

繞橋山行去遊石龍以上

一夕留山中攝衣走亦靜肩輿之石龍出寺峰爭迎蜿
蜒平岡眺一石圓且正是曰舟之橋山浮名所命頗聞
夷梳石高巖往斷徑此復繚其側下作水聲聽雙塔亦

已傾檣倒帆不正浮生何以渡悲色感禪定夷游不欲
上屢顧敗乘興前頭石龍路搖舌呼會勝

宿二老莊卽事

散步沿積沙清溪伏其下松風一襲人翠綠與天灑相
攜坐樹根無人自成野月上南岡行空光若流瀉
築場秋老空土堅白于霜丈尺度小亭此間可平望曲
水繞其足重樹翳山梁寒慄留不能泠泠夕風涼
夜久談轉清四窗忽以寂爛漫勞者睡靜聽始歷歷樹
聲空外過疑與流波激相顧忻素心此意他時覓

十月十八日同遊釣魚臺圖學士園亭歸而有作

和覃溪前輩韻

看山何必近淡乃轉勝濃
扣泥堆長坡上有行人蹤
水明於鏡斜浸天西峰
吾徒五六人散手不杖筇
東南古釣臺掩映神仙窟
茲遊初冬後微暖妍景
供卽從園中飯飽我霜地
菘

風遲一夕過木葉留殘黃
秋雨多塵塵及此可愛光
主人矜野菜至味新宜嘗
液飲受霜甘色沃帶土香
馳驅赴郊約不憚向朔涼
盃榼旣以聚稅馬在鹿場
樂哉同心語呼酒一再行
固知淡成者非必言其傷

頻頻此園過數四豈一再樓傾
斗室成寂坐更無礙卻

立中央軒兩坡一泓對夕明冰地月曉鏡春山黛今茲
冬未寒波鳥聲偶碎撥刺三尺鱗伏影流泉內適從無
心遊村閭所怪吠此間趣日成且喜田歲溉先生百事
辦取足咬根菜

古詩贈溫步容

文章妙手成無定亦有式淺者求其虛深者求其實江
河出濫觴源微流有力海川在首受博取看滉滉及其
放乎海一呼通衆息澆灌風偶渙文生不自匿良木之
始芽條理蘊柔色縱橫怪變態千曲成一直試尋旋轉
紋髮髮分界域製之爲棟楹榮枯各適職我豈工罕喻

子才比孫織七襄何時成舒彼鴛鴦翼

送彭蘭階同年

吳禮

之官宜武

相見古寺冬相別斜街夏會合如浮萍飛景安可把君
年五十多我年五十寡俯仰同歲初繫日嗟若若子情
甚醇至子貌特古雅去作親民官神真蹟乃假况我幸
厚子裏言爲子瀉淺深難獲上甘苦易及下省肥縣則
瘦不角故易捨彭澤與步兵就之詎遭罵長風起邊塞
弔古抱白寫書生善迂濶摩挲碑側野請爲一一搜史
闕賴補苴拓成亟寄我諄囑臨歧馬

送錢獻之

秦川匹馬風蕭瑟秋欲老十里五里碑古苔沒官道漢
隸半蝕裂唐筆恣搜討昭陵陪葬人朽骨那堪攷子懷
下第悲去踏墟墓草剜剔昔戰烈振觸新潦倒阮也慟
何遲陸兮笑或早且續文字記傳之永爲寶

吾生泊與淡腸每爲人熱絕學誰寶之難成乃易裂高

松吾故人

謂東原

劈斧或一折不惜失聲號莫留曠代哲

子兮旣挺生齊輩推爾傑材大用則非名場失詎劣珍
重九經文造化補斷缺可語可道古忍子清淚別

芭蕉綠吾桷梧桐青吾椽可堪所愛重千里行三年與
子爲古交金斷而璞完何以臨歧淚心涌如丹鉛古路

荒以蕪二千年不芟並坐鄭許君招招在雲端鳥蹟入
莫讀龍文子其肩形雖隔郡縣心定同說研何用寄臭
味玉并峰頭蓮

送金振之

秋清水間山子歸讀書處不獨白嶽雲繚繞如飛絮我
有山水情子獨飽而飫子去何悠悠我思昏達曙亦知
經年合離愁難爲恕紅葉滿江南竊有消魂慮

送馮庶常敏昌

子家南海偏宅近交吐樹天香通骨理不獨華比附八
年來京國唐寺一弟寓讀書坐行行聲和枯僧屢肆焉

工古調秦漢氣沫响下筆爲長句爛爛豹隱霧贈客羅
浮遊惆悵古仙遇遠遊賴良朋唱和真赤赴溫生比梅
花昨去子此住瀛洲亭若冰歸思水南注今年官信美
慰藉久客趣父母晞形雲子留亦所懼矧子抱至悃行
役尙慎賦羣公勞勸挽口血歎如雨子孝不可留子衷
疆自裕力學無道遠情芳有本務六藝根柢成萬里飢
渴足情在莫改辛日近尙懷煦近子時相憶素心行復

聚

德州道中用程篁墩韻

昨宵故鄉塵吹我山東去夢中渾不知似有戀戀處覺

來憶所親淚溢忽難禦浮生譬天雲聚散豈有據四方
方未已努力叱我御回首西山客相送別胡遽道旁迎
新人齊風歌堂寧越陌懷同聲相遠日以懼凌晨發苦
早遠色送遙樹蒸蒸土外霞鬱鬱烟中樹我行去千里
念之少歡趣何如椒花下圍飲共題句

公岫生家古藤歌

古藤輪囷種者誰我年十四初來窺長繩三千擘蜿蜒
大幽十萬逃魍魎根成生鐵天所冶弱金強火百鬼錘
青陽起張綠羅網喝夏能滅幽州曦當時共工流竄死
身化老樹尤離奇更聞元冥僂神龜棄殼北海留其屍

萬年偉怪作異狀必有精氣通靈祇我來百巾繞藤上
如踏平地誰愁巖祇今攀援更入載豈有榮落分盈虧
時乘木火更禪代顏色灼爍芙蓉披連株華發文魄礪
金鴉雙搏赤駿躡紫衣朱冠踞當道池魚涌涌朝蛟蛇
投身疑入然邱國火齊丹瑤堆陸離倏忽頰鱗青碧尾
有首不見空多衫神潛鬼躍千倔強誰披其葉尋根基
花前翻落金峽蝶黃雲通體元裳綦巢居太常上阿閣
羽翼雷電除壇壝飛精合覲相授受已見呼吸來追隨
定知奇產有天運軒皇炎帝招旌旗此藤異世必騰上
是何頭角行鬚鬚

送劉三庶常映瑜

劉侯氣宇懸河涼腰腹強大身降肱朝來入門發雄辨
往往移晷燒明缸憶初相見意苦劇傾耳未接頻愁塊
聆君三日盡磊落不比游說聊空腔願與君交誓伯仲
甕墳更迭敲揭控平生相知季弟最生小結契同襟襟
知君衷素見肝膽足音爲我千回楚往秋相邀列高會
坐中名輩皆洪龐當筵獨起意豪快先醉肯謝長頸缸
衆賓傳呼催連飲罄腹欲吸洪流泆我時與君兩犄角
羽旌列壘金鼓撓方驚口鋒遭勅敵已似儒將交天縱
須臾爭持蚌與鵲豈辨並逐誰生降酒酣每每說文柄

議論所取在擊撞大雅忽然喪劫火兩漢六代齊奔瀧
唐賢中興韓與杜如觀秦楚揮幃幢宋元才力更洪忍
縱有突兀非崆峒况今商羽正際亂迷津誰問仙源艘
禮沿樂襲成口實坐見高髻來尺髮粵蜀豈殊雪與日
少見多怪真猶龙君其努力作底柱獨當九道黃河濬
媿我才短腕無力尙能橫刃斬檝椿文章氣數豈小節
貴以其道光家邦豈知人生事翻覆快意忽感悲來雙
長衢前日學馳騁上馬若踞牀前杠不信南人慣騎技
中華強戲都盧撞東野御美頓失手六轡那馴龍性驄
翻然一落勢千丈孤鳳翅折南州龐經旬相視臥深室

扶持未穩艱踈甫今強起可酬酢旋搖歸槩浮吳舡
溫風行吹麥秋熟郊原蔓地黍與江淮南此去水鄉接
江擬天塹方大江金陵玉壘入顧盼仙鬘女珮凌飛縱
况君宦遊闕問省君子子役尙信疋室人久傾新蟋蟀
歸心好趁高張夔病體初勝就長道淹滯未用心勞懣
金閭吳會縱修阻屈指匝月返故窗行款簪珥寄牋素
與子健筆千里扛我言委婉到瑣碎楮墨汎瀾真多恣
臨乖作詩贈吾子夜更四點聞逢逢

酬萬樵坡利孫子鏡作和石君韻

漢人古鏡萬公得千年照曜開星辰石君驚奇喜到眼

長篇迭和誇識眞上陳赤龍戰天下赤手捧出朱天輪
遂奪金鏡捫五內猙獰帖服心膽親中言仙臣與仙帝
掀弄一匣通八夤曾孫挂肘天告福百鬼不敢藏精神
下篇胡遺菱花七白燕赤鳳交婚姻寒光倒吞守宮脫
飛鳳忽化雙奔鶉殿前四尺質未改模糊不比明如秦
吁嗟三十六官圯龍珠失盡留單麟至今鏡背認古篆
欲利孫子振如鱗吾聞三代尙彝器匱銘壺刻齊斑麟
一物亦思百世守德澤久遠惟其身况茲先王照吉凶
典則未肯蕪荒塵漢家絕古卽咫尺古器隔世空感聲
其時制作近忠厚圖畫靈怪戒喜瞋生淮臨昭在祧祏

死與魂魄長窈窕如珠利蠟玉利璞上輝下潤同山津
公操何術得搆此頗疑夢寐聞韶鈞豈從軒轅剖委宛
字垂金薤書玉筠日精月英會兩合持照天地光無垠
我筆苦無萬丈燄白晝燭火黃昏燐閣筆欲和遲七月
九秋儻忽逃三春公詩物博理且大強以木鐸敲金鐸
叱成金魄此夕望定知公屋光投魏今秋雨淫疫鬼厲
借我明月來驅馴

峒巖碑歌寄劉孝廉

峒巖山碑趙生詩劉君議駁頗可疑明珠蚌持五色鵝
我欲先發漁人機禹導九江過三澁衡山南濱親鐫碑

山高四千一十丈七十二字神鬼詞碑言聖人役鳥獸
疏水裒土勞形知華嵩泰衡嶽麓宿衣食天下承帝咨
支雄夏貢典則重况有手蹟千鈞重金簡玉牒舊點畫
蛟蛇入腕塗改奇山深物靈天府秘絕頂欲到雲霞迷
又傳廬山飛瀑布倒挂萬仞寒玻璃大禹刻石紀丈尺
此事荒僻尤淋漓乃知精氣能變滅斗牛龍劍旋蛟螭
秦人尚識倉頡面後死夜鬼偏揮錘天子八龍走神篆
斯翁歎絕今何之我輩百代更矇眛忽失雙杖行何持
嘉定樵者教何致盜天竟奪山隱居一榻坐看四海鎮
九鼎奚兀囚魍魎頃刻名山盡刊布新刷耳目沁肝脾

豈直生鸞活鳳豔龍死筋骨枯成堆百蟲千鳥狀聒嗜
頭鳴舌止千秋期古人器不貴求舊學寧肯釋商周彝
如此寶文真舒錦孰忍二子尋瘢疵三王立言考法式
百川自障非誇辭昌言可例益稷訓決吠澹澹臯陶師
若疑百載有拓本遷固豈發汲冢屍天留神物待後起
子函元美非余欺韓公老淚恨不盡正直神感猿猱噬
嗟余好古淚無所衡山雲密無開時空翻雕龍侈本末
欲呵蒼昊搜根基安得直上响巖峰手捫古石琅玕姿

題宋高宗渡江圖

粘沒夜入天長軍內侍驚告王師分獨騎被甲發行在

直走瓜步江汾天子出奔法垂鑒誰歟畫者眞殷勤
當時二帝盡北狩有讐不戴高天雲梁童伏辜彥善相
亂人左右王所欣次於東平望急難自取航海逃妖氛
李綱趙鼎遠安置無乃逐臭愁芳芬格天一德授奸佐
金牌十二灰奇勲大書誓表醜天地四海塞耳豈可聞
區區二豎不能制中興之業何足云不知何人好異說
共傳土馬馱神君藝祖子孫王構在天道剥落當繁殷
或者時危託符讖欲以靈怪駭冀羣到今圖中尤刻畫
波濤不動銜朱幘飛龍亂流踏平地奔走魚鼈龜龜賁
回觀追騎盡駐轡欲化罔象頭如殯目張睢盱手摩鐵

天塹羽墮空紛紛前騎投身試江水殺機欲洞汀身焚
中渡嵯峨壁幾仞赤日浮動光疑曛足知遠勢自橫絕
筆力可卻千幘輞舊聞得之有曹氏外舅寶過黃珠熅
攜我來觀我方醉發論驚處雷砢礮題成放筆再取酒
會閱百卷圖千醺

碎玉環歌

或遺筠以玉環佩之六年矣挂于坐上
環三分焉愛其勁麗輒不勝其情浩然

歌作

白帝夜死金刀紅青天不雲三蟠竦誰遣夸娥割瀛海
短短東南斷羅帶層冰萬里凍不消騶虞刻骨鵲鷄毛
冤魂聲聲冒次非好手美人金盤堆莫教卞子珊瑚哭

百足蜈蚣那可贖忍腸磨出趙家姬瓊姊瑤郎相抱戮
泥中小字錦濯瑜元元三孫擲玉孥浩歌窗外書魂小
碧肉殷痕咽春草

長句贈姚稽川用王禹卿韻

姚君新詩如美人明眸一顧心自動有時放意恣怪奇
忽竊寶文出禹洞小篇百讀愛婉麗長句千過駭清縱
細思雄豔兩不爭西子要離恰須共憶昔看花憫忠寺
伯思兄弟騎聯鞚訪君舊榻君南歸豈不相聞夜屢夢
安仁風格空長思聖俞詩篇勞數諷那知昨年試禮部
相逢一笑當儔衆一缶我厭有當瓦萬木君遺大廈棟

高懷早自視浮雲鄙人許共和清弄祇今更喜街衢連
相過毋教風雨空碎琴肯索市人知換酒須來狂客誦
君有散帙詩百篇篇篇欲挾天風送次山作頌自摩崖
子雲草元寧覆瓿無絃已見子情移善射非關爾力中
當知內得馬卿傳何取多歧楊老慟古人文章信垂世
豈以虛名要實用蒼茫寶氣上九天四瀆效珍五嶽貢
方今離明正朱雀況子交遊盡白鳳九皋響過聞胡遲
五采翼成品始重曰余古好嗟大愚不顧今非未定痛
文多束筭轉成慚口去隙駒祇內恐請撞金玉上本原
莫注蟲魚供役從立言與子發鯨鏗餘事何妨聽蚊聞

稽川見和長句疊前韻奉答

雲平月白天高秋光如明鏡浮水動寥寥六字清心魂
想見飛仙窈窕洞美哉良夜懷佳人酣歌答我憐悽縱
相思三日苦不聞清角流徵那得共今夕過君讀君詩
到眼橫飛腰裏鞵梅華翠羽曲未終恫恍似到羅浮夢
君乎才調真天然攜歸不置連宵諷何來傾國余目成
便欲棄甲夫口衆憶昨弱冠勇爲文自闢門庭樹高棟
諸君人傑方同堂和古酬今等戲弄共說岑參輒好奇
頗類張騫敢繫空幾年感病傷別多得句無人只自誦
每當佳節一寄遠忽忽日月吟聲送如今讀書漸趨拙

自謂汲古當抱甕愚公有志或可成竈也多言豈不中

况復山陽近歎逝

謂孫汝昂郭鯤甫

未聞鄰笛淚已慟文章不

復能自存候蟲時鳥真何用我今得子慕愈郊肯逐虛

名附王貢羣魚發發孰真龍衆鳥啾啾此孤鳳當知不

支莫行遠要令有物須內重君方猛氣古何難我已折

肱今覺痛萬卷直破非其愛六經不約竊所恐千秋作

者李杜韓誰起九原吾請從偶然放論還自嗤與爾聊

爲鄒魯園

覺生寺大鐘歌恭和

御製用沈德潛元韻

秋原驅馬如遊龍探幽忽驚落照紅同行來訪覺生寺

要觀法物圖妖凶中央鉅閣仰極目四周勢合天圍同
崎嶇百折到閭闔呼吸上蓋雲霞封下瞰連紐蕩魂魄
一木何以懸神鐘鐘成八萬四千石其高幾丈鎔青銅
旁書華嚴上梵咒筆力刻畫如刀鋒空疑玉階藥白覆
形模怪大難爲椿又愛此書鵝可博不學奇詭誇烏蟲
豈知鑄自承樂歲皆云道衍心憐忠北平邸開髡髮進
乘忠入夢何重重詭詞白帽獻王子技癢兵法非談空
當時朝臣誰士爲謀人骨肉除強宗湘藩入火事較慘
詔責旦夕來燕中此髡踴躍乘事會妄言風雨飛龍從
殺機先發約能玉九關夜克兵威隆入市相人出祭纛

往往左道驅狂蒙金川竟斬孺子遜天之所壞宜謀工
忠臣同日死炮烙方鐵浩氣吹長風奈何十族善人戮
奇禍不獨墟天宮乃知此髡能作賊反覆九有由其胸
勿殺孝孺徒誑語坐視斬刈麻與蓬區區鑄此更何爲
欲以佛語銘私功百年事往賸遺器發聲時一驚羣聳
大林景陽不可見此物亦是蒲牢雄西郊閒眺一懷古
萬壽樓圯迷前蹤自從 世廟更置此千人輦致
傳兒童今 皇作詩刻石上摳衣再拜心肅雖古
來至寶或滅沒嗚呼安得如爾之遭逢

張方海龔鑒戍見示所作通州開平常忠武王廟

歌和以長句

高齋坐冷羣書堆日光倒牖如烘煨盈盈潞水寄我札
快意先向題封開中言城南遊興美郊原連步搜莓苔
開平忠武昔遺廟長歌見示何崔巍當時異人誕淮泗
紅羅天降同郊祿將軍夢寐感真主金神擁盾呼頻催
遂偕中山佐帝業鞭麾豪傑驅嬰孩采石長矛天塹入
康郎大剪封豕摧艱難左右百靈懾勇氣所向先風雷
龍江禡牙議北伐曰擣心腹除根荜采原半下纜匝歲
聯翩勢壓河西來將軍金鼓自天下大都已破師西回
奇哉擴廓亦倔強回首通郡連全埃將軍奇兵將九萬

間道直抵黃金臺千騎八伏日三捷開平夜拔逃龍媒
象輿玉輦北荒去手闕明祚有八垓功成百戰柳川墮
血食此土真宜哉子今草木幾榮落廟貌侈剝空蒿萊
國家至德享歷代歲歲典禮陳尊彝鑄金作配尙不餒
刻木遇盜嗟何災

廟中神像舊以沈香爲之盜攫去幾十年矣

諸君殷勤弔

古蹟每到空濶心低徊兜鍪擊劍儼儀衛英姿彷彿張
眉鬚百年太平遺事盡何況隔代誰能該空勞奇句發
遠慨開口一試噴瓊瑰我昔遊潞恨未到不向碑字捫
奇核城南舊遊盡高舉十年詩老人崔隲祇今一篇更
鑿絕莫犯俗目防驚猜明鑑頻挑勉相和慙愧筆力非

雄才

上清含象鑑詩

含象之鑑星雲交環以八卦橫三爻上銘天地下日月
解嚴象祕牙不贅云是天台司馬鑄有唐中葉聞于朝
滅之寶函題國字永照叔世祛靈妖開元歲終天寶始
乾坤昏墊人神淆千秋金鏡夜半失海棠變魅蝦蟇跳
鼙鼓揚塵魄正晦金戈回日光還朝當時此變豈天醉
誰擘天眼開重宵不知此鏡懸帝所照澈四表窮秋毫
有人持月攝魂魄啾啾萬鬼難藏逃忠臣百戰翊唐運
此鏡不與分功勞被褐道人道行高來索靈寶千里遙

玉京祕笈手紉繹出遊獨與神物遭微圖據典廣博合
苦色上貫天招搖收納懷袖祝神護恐有幽怪來爭標
持歸把玩示同好欲使異事傳歌謠韓歐死後幾百載
剝落石鼓鏽寶刀嗟我遇此豈易得恨無筆力相籠牢
經時迫促不措手歸流忽待雙飛舠子行莫持照江水
坐看呼吸連天濤

萬壽亭

循城以南寺龍興有松歷寺驚龍騰舟隨水折赴亭下
萬頃當面玻璃凝艤而登岸款門啟个个凍立千竿冰
彤精下燒寒綠禦盛夏逃盡羣飛蠅清風時來河白戰

葉底天籟呼微磨肝脾沁透聲色併涼達耳目洞我膺
曲徑疊石亦可喜繞廊迴互堂初升碧池在庭窗戶敞
來酌要罄壺如澗樹蒼壁素淨于拭可用槐扇兼胡鬚
出倚虛閣好眺望平流入掌闌還凭行足所憩到穩適
如此清景消炎蒸行者倦矣行未已快哉聊復泠然乘
一寸二寸魚若有竹陰垂釣吾當能

渡淮二首

淮水桐柏流崔嵬東走直到濠梁隳鍾離古城當面出
我輿橫度凌波開楚宮舊築吳滅處考索要假董玉杯
秦漢之際梁籍起江都部勒初歸來符離已誅

彭城更上戲馬臺東歸分霸足衣錦豈意漢定三秦回
鴻溝中分廣武語狡獪百山張良才固陵決計縛猛虎
饑兵信越軍臨垓楚歌四作虞兮死衝圍率彼清淮隈
田父左給馬童面故人鬼伯相追摧天亡太息心獨愧
啼鳴幾發雍門哀何不渡江重捲土徑南去王金陵哉
六朝南北吹戰埃草木風鶴軍卻摧此間邵陽洲在目
輸馬建武魏乞哀蕭梁昌君奇刺史揚大眼走十萬枚
數十戰射應弦倒敵尸薪積平城堆曹韋夜救樹鹿角
截洲營立晨驚纜隋隄誰又築通汴取土直借阿房筵
大師且罷大役起淮流如沸仍皚皚唐餘李徐更保此

周宗撻伐聲天雷絕流人持橐駝炬夜駭百鬼騎龍來
書生南宋詎曉戰符離一敗胡爲哉元末真人出濠上
紅羅下覆天生孩功成臨淮首置縣故陵倚水蜚廉埋
我朝太平百年久蕭鄴盡一縣幾裁山川清絕遺老
盡一航徑渡心低徊使者採風宣德意不須弔古同文
該

三月十六日試罷觀合肥縣學旁巷王氏海棠

憫忠寺裏年年看海棠晚放春風寒廬州江邊春乍早
人言仙樹燒砂丹一枝折來餉鑠院繞之百市思同韓
上巳盼盼十三近心愁花到清明殘

是月十三日清明

放試幾

望匹馬導循牆曲折東家壇卻騶步卽不問主朔方花
部此可汗吾未駭花已駭樹金狄高鑄形蹒跚又怪天
姝古之美十尺妃匹何姍姍大珮長裙世獨立霞鬢霧
縹霄猶干俗人無復出人見敢婢梅益臣盆蘭微香小
藥足豔目夏蟲合對朝菌歎此樹十圍又十仞散花兒
侍雲衣攤曉空沆瀣飲花醉色飛初扇形烏翰東方渤
澥倒吸景杈榭亂挂千枝珊升紅上聚照山火下土仰
視羞寒單平生愛花兼愛士士如此樹嗟哉難江南有
秀吾略采碩人未見心匪安入院憶花出懷士此花光
敵文波瀾故林調饑勞夢想適來爲爾忘朝餐

潞琴行爲汪秀峰賦

衛人斲桐桐音完浙人緼絲絲音單碧軫黃徽太和字
刻曰潞國之世傳神宗弟子嗣封一製雅琴百舞六佾
十三陵氣黯不佳哀哉王孫摧斷漆金牛湖畔銷聲去
鳴雞埭上靡音聚梨園寡色醉天謠濮流盛響哀江賦
百六陽九天阨眞九節度潰四將軍梅嶺援臣空有鬼
史闕部初議立潞玉常汚不果冷泉檄客更無人三百年來廣樂歇
竇琴發始潞琴卒遺音太古樂臞仙印月小川慟肥佛琴
絃神純玉體美全城之命活君子思陵御物擲何存廣
海孤生抱而死此琴蹤蹟杭人得親傳手澤心心刻一

彈松柏湖草青再變徵宮海門黑時平人老年復年囊
塵柱朽虛壁懸引酒誰澆怪哉土臨風若訴鞠通絃無
端哀樂聲聲潞名琴難得琴師遇吾情欲移東刺舟此
材莫是西靡樹

倪文正公秋山圖行

有序

先生自題云天啟五年八月寫于維揚舟次按
公子會鼎所述年譜天啟五年乙丑三十三歲
殿試充掌卷官奉節冊封德藩王驕先生三邑
警之如禮事竣引疾中途繳節歸省毋時璫燄
日熾言則遺北堂憂故引疾歸也據此則夏初

殿試又奉冊使秋八月歸舟次揚州正其時也
嗚呼以先生之大節而小人惡稔姑且避之君
子之心可悲矣此圖不當以畫觀也

七歲隨親賦舟月水底青天句清越四十六歸製小舟
若爲李郭追仙遊茲者揚州舟忽次年三十三職中祕
使臣冊出折王驕孝子車迴將母淚是時歸思滿秋山
大小淮山水一灣離騷招隱或自擬狂客乞湖未可扳
偶然拈筆家峰似江岸沿沿度行李鳥影天頭耘白沙
雲疊嵐腰覆芳芷千層百折面面青江南楓柏猶未零
密林轉遠金虎穴短芽卽近白鳥庭先生微意圖中見

百五十載驚過電，勤王熱血望南都。避廠冰心託東絹，
卷舒再四闔。且開畫手何從得，此來發發非風悲。更寂
泠泠何色寒，相催彼燎於原。吾休撲秋水，空空寫一幅。
青鞵布鞵古來心，此畫何堪百回讀。

贈太平周泉

君家屋前看天都，鍊丹臺滅軒轅書。峰峰似有古篆蹟，
溜痕屋漏痕不如。一朝棄去四方走，盜竊精靈腕底有。
在昔繆篆偶試之，漢庭官私印得手。昨秋過岱想斯拓，
琅瑯刻石未焚落。今茲更復秦中遊，說文偏旁陋宋作。
五陵百原土蝕花，綢繆綠沈漢印佳。雲陽何人佩銀鈕，

出土窟向他生誇

前年嚴舍人長明遊陝得董賢銀印余在江寧見之

前水後水

流無主紛紛好事印漢譜姓名輕重一片銅獨涕愴然

不見古周生摩挲日三四古人骨朽賸幾字命官白事

聚訟來目力費盡渾閒事我亦喜注蟲魚人老寫六書

尊許君摹印專門世何有奏刀歎爾真絕倫點畫毫釐

刻審訛人生一失千里多何如歸臥少游里休強論文

學伏波

半城

半城當嶺盡卓午轉村窩山勢收東國沙痕走大河用
鋪新雨足目迴卷雲多三日清江近扁舟欲放歌

舟之江口卻寄程舍人魚門

前宵過六月江上暮
全秋潮水推波重
蟲聲出草幽雲
烟迷鎮口燈火隔揚州
回首停橈處伊人不可求

臨淮驛館閒眺

曉渡驛亭憩登臨此覺便
天青三楚外波淡一窗前
空遠低村樹平斜上水烟踰淮
談色味霜老木奴圓

雨後遊陶然亭歸飲慕青編修寓齋次覃谿前輩

韻

江屋過沈雨歸來稀到亭淡陰三角堞新綠一池萍僧
定無人見塵吹昨夜停壇邊依舊樹若爲十分青

平原懷古

斜日荒城賸古祠
漁陽鼙鼓動當時
上皇不識驚名姓
長史親傳照版碑
舐血無疑兒反恨
賜書當死賊何知
不須競說公仙去
野老能言魯太師

南陵道中

亂峰欹側送年光
路出南陵地覺方
短稻袂肥三尺綠
小松鍼細一林蒼
喜新山水人傳癖
求舊詩書自笑荒
今夕敬亭天落手
渺無搔首句攜將

贈別蕭山大父行鴻鑣翁

七年孤艇越人逢
百歲全家燕市蹤
江驛程期二橋月

邱園魂夢半山松
疲驢失徑公潦倒
倦鳥知歸我敬恭
淅淅朔風吹不住
一尊別盡故鄉醴

懷汪劍潭

寂寞才人滯水村
故園尙倚九峰尊
虛齋樂府徒相媚
繞郭花叢不見魂
風月無期人易老
江河有信語餘溫
轉因收歲思君切
鐙後琴前影欲昏

衢州陸行

陸轉城門南更東
富春別去略怱怱
空枝野樹饒鳥相
短堊人家半綠櫻
諸嶺十程真可喜
小江百里尙堪通
青湖此去青無限
應許黃家畫筆工

金砂道中

叔牙石露水棱乾，皴綠山山色未闌。
千翼蛩聲呼暮草，幾林楓葉照涼灘。
情懷祇覺詩宜瘦，節候如知客畏寒。
我自官閒攜好友，何妨十一月來看。

發太平館作

行色雲邊透薄暉，雨聲向漏撼牀幃。
先春得氣梅纔放，出岫無心雲欲歸。
老去江淹花好賦，別來雷煥劍斜飛。
北行處處都堪誌，不惜囊錢更上衣。

梅花有憶

見處頻將古幹捫，冷紅薄慍我思存。
花時似慰三生夢。

別後猶銷幾夜魂
冰雪心情何敢密
江山氣候若爲溫
只餘一棹空歸去
斜掩荒庭啄木門

國朝畿輔詩傳卷四十一

終